

## QVÆSTIO MEDICA

Cardinalitiis disputationibus manè discutienda in  
Scholis Medicorum die Iovis 1. Aprilis.

M. DIONYSIO PVYLON, Doctore Medico, Præside.

*An Thermæ Borbonienses Anselmienses minorem noxam inferunt  
epotæ, quam Arcimbaldicæ, & Vichienses?*

I.

**Q**UÆCUNQUE hac rerum universitate continentur, ex igne & aquâ initium ducunt: ille formæ, hæc materiæ vicem gerit. <sup>a</sup> Ab aquâ divinitus rerum omnium feminibus gravida singulæ partes totum hunc orbem constituentes prodire; earumque generatio & incrementum perennitatem obtinent, prout ea ad diversam seminum fabricam accedit, per variosque adaucta modos in multiplices concinnatur formas: modo nubem, pluviam, grandinem, gelu, glaciem refert; modo radices, ligni & foliorum speciem induit. Salix, pepero, cucurbita, mentha, melissa, pulegium, solâ aquæ distillatæ irrigatione in debitam molem adolescunt; postmodum sal, sulphur, mercurium, si igni subjiciantur ut artis est, suppeditant. <sup>b</sup> Nascentur fontes, decisis plerumque sylvis, quos arborum alimenta consumebant. Pisces aquâ nutriuntur, ipsiusque luxuriantis beneficio, magnitudine cæteris præcellunt animantibus. Terrenis non vehiculi tantum est loco, sed & in alimoniam cedit. Quæ de quorundam immodicis jejuniis memoriæ prodita, non prodigio, sed naturæ ordini melius adscripseris. Multis aqua sola per aliquod tempus fuit alimento; quin imo, mutatâ quasi indole, in ærem conversa quid non præstat? Corpus subeundo, nonnullis aliquandiu pabulum suggestit; in aliis excrementi proventum assumpta longè superantem induxit: sic in quibusdam, priorem aquæ naturam denuo induens, immensam adeo urinæ copiam singulis diebus per plures menses præbuit, ut Diabeterem mentiri videretur. Aqua, diffluendo & excurrando per varios locorum situs, quantas acquirit vires? modo alterat, modo purgat: hinc orta aquarum divisio in alimentarias seu simplices & medicatas. Illarum præstantiores sunt pluvialis, fontana, fluvialis; minus salubres, putealis, lacustris, stagnans. Harum penè infinitæ species, pro innumeris mineralium differentis: quæ tamen ad duo genera revocantur; ad Acidas seu frigidas, & Thermas seu sponte calentes. Thermarum & acidarum singulis non eadem vis inest. <sup>c</sup> Non omnes, quæ sunt calidæ, medicatas esse credi-

<sup>a</sup> Spiritus  
Dei fereba-  
tur super  
aquis & c.  
*Genes. c. 1.*

<sup>b</sup> *Plin. c. 4.  
l. 31. natur.  
hist.*

<sup>c</sup> *Plin. ibid.  
c. 6.*

<sup>d</sup> *Plin. ibid.*

<sup>e</sup> In medio prati 30. passibus ab oppido Aquaperfa in Arvernâ distitijuxta collē Mō-pensierium fons est odoris ex-pers, sapore acidus, & limpidus; circā quem aves, infe-cias & qua drupedes animantes, quæ ejus aquam gu-staverunt, mortuas jacere, terrâ-que in am-biru lesqui pedali lati-tudine nul-lis unquam herbis vi-rescere, obseivatum est.

<sup>f</sup> *Plin. ibid.*  
c. 2.

<sup>a</sup> *Hipp. lib. de aëre ag- & locis.*

deris; <sup>d</sup> Nec decolor species æris argente, ut multi existimavêre, medi-caminum argumentum est; <sup>e</sup> Nec odoris & saporis certa fides; <sup>f</sup> limpiditas insidiosa conditio; plurimæ blandiuntur aspectu aliàs teterimæ. Certius bonitatis indicium est; partium tenuitas, quâ vias arctiores impeditâque facillè & celeriter permeent, nullâ in ipsis relicta fœce limosâ aut tophaceâ.

## II.

**L** I C E T omnia ex igne & aquâ consent, ille non omnibus idem affil-ger: hinc diversâ corporum temperies, & virtus modò hebetior; modò valentior: hinc plantæ, in Meridionali regione, uberioribus & præ-stantioribus donantur facultatibus: hinc putealis aqua multò deterior fon-tanâ & fluviali radiis solaribus illustratis, cursu percussuque ipso extenuat-â: hinc fontanarum omnium optima, ex Oriente scaturit, Solis lumine abundè recreata. Aqua suapte naturâ iners, si movetur, ignis particulis eam huc & illuc flectentibus & impellentibus, acceptum debet, quibus destitu-ta concrevit. Ideo stagnans & lacustris, quantò minus Solis radiis persufa, tantò majorem parit gravitatem & hypochondriorum tensionem. Acidulæ solvendis contumacissimis obstructionibus non adeo pares, quæ à Ther-malibus subtiliori tincturâ imbutis scilicet expugnantur. Utræque æstate, vere & autumno securius, quàm hyeme, sereno cœlo limpidiores & subti-liores factæ, usurpantur. Si in singulis aquis tenuitas, citâque desideratur & expedita vis agendi, in medicatis potissimùm exoptanda, ne visceribus, me-tallorum ramenta, terras, succos, salia quibus saturantur, affigant, la-bem deleteriam allatura; eo ritu quo fluvius per saxa & tophorum materiâ superinductâ, quâ tubulos proprios ipsæmet aliquando incrustant & angu-stant, exiles venas & impeditos meatus corporis obducant & infarciant. Inde siccitas arte nullâ emendabilis, febres, abdominis tensio, dysenteria, aliaque gravissima symptomata pro sedimentorum conditione. Contrâ vero ubi aquæ mirâ agilitate & tenuitate sunt præditæ, intimos viscerum recessus pervadunt; si quas in angustias impegerint, commodius expediunt, minuf-que restagnando minus damnum important. <sup>a</sup> Metallicæ enim omnes duræ sunt, empyreumatis haud expertes, quod eò potentius inurunt parti-bus, quò diutius moram trahunt. An membris parcituræ, quæ fer-rum exedunt rubigine, æs in æruginem, plumbum in cerussam solvunt? Quàm meritò cautum est, ne in usum veniant, nisi prius viscerum saburra eliminatâ, ne, interceptâ earum anadofi, novæ ingruant calamitates; quem-admodum major, ex parciore quàm ex liberaliori Stibiatorum dosi, noxa inducitur, quod medicamenti morâ & cunctatione latius serpat perniciēs.

## III.

**T** H E R M Æ penè semper in montium radicibus sita è terrâ perpetuò profiliētes effervescunt, sive ab igne subterraneo, sive ab accensâ sulphuris vel bituminis exhalatione, sive ex concursu plurium aquarum metallicarum, quæ, licet ad tactum frigida, ob salium inimicitias incalē-

cunt. Thermis Europa diffluit; Italia præcipue; vix ulla etiam regio illis caret; celeberrimæ extant in Galliâ, aliis tamen aliæ salubriores. Inferioris sunt ordinis quæ erumpunt juxta imum montis aurei in Arverniâ, nitrô fœtæ; <sup>b</sup> Borbonæ in Campaniâ; <sup>c</sup> Aquæ Bigerronum, meliùs, ut alij volunt, Conventarum, ut & Borbonæ, salibus luxuriantes; hæ omnes ad balneum quàm ad potum commodiores. <sup>d</sup> Plumbariæ in Lotharingiâ à copiosâ plumbi mixturâ cum alumine sic appellatæ. Sequuntur <sup>e</sup> Bellilucanæ in Galliâ Narbonensi limpidissimæ, quarum sapor ingratus, falsus aliquantulum, odor bituminis naturam referens: an nervorum affectibus idcirco proficiat? ad quos maxinè prædicantur <sup>f</sup> Baregienses apud Bigerrones. Medio sunt loco <sup>g</sup> Encassienfes apud Convenas, & <sup>h</sup> Vichienfes in Borbonensi provinciâ. Nulli gentium tot aquarum scaturigines tam diversæ temperiei & facultatis, quot in Vichienfi agro. Ibi enim emicant frigida, calida, & junctæ. Calidarum quinque distincti fontes <sup>i</sup> cratis ferreæ, <sup>k</sup> ligneæ, <sup>l</sup> globi quadrati vel magni, & <sup>m</sup> duorum parvorum globorum nominibus insigniti. Fontes cratis ferreæ & ligneæ fundunt aquam clarissimam aciditatis cujusdam, & amaritudinis haud expertem, sulphur redolentem. Nephriticis creditur infensâ sive quod multas arenulas devehat quæ tandem in lapillos cōcrescunt, sive quod plurimo abundet sale quo ad potum ineptior evadit. Quadrati verò, & duorum parvorum globorum aqua calore non ita exuperat, imò tepida, aciditate majori prædita, cæterum non discrepans ab aliis. Supremi ordinis sunt Borbonienfes <sup>n</sup> Anselmienfes in Burgundiâ & Augustodunensi agro ad Ligerim fluvium; & <sup>o</sup> Borbonienfes Arcimbaldicæ in Borbonio ducatu. Ambas à suis capitibus arcessivisse, ac singulos, qui nunc videntur, fontes, aut puteos struxisse & ornasse Romanos, nemo negat. Illas pluris fecisse fatebitur quisquis atque necesse est altissimam, ex catheto directè incisam; craterum ex marmore, rurem licet altissimam, ex catheto directè incisam; craterum ex marmore, vel quadrato saxo toreuticè & eleganter cælato, constructorum; aqua- gij undique quadrario lapide structilis ad quadrantem leucæ porrecti cum tubulis quamplurimis partim plumbo, partim ære ductilibus; & balneorum amphiteatri in modum exstructorum lapide, ut existimatur, fusili, ut pote nullis interstitiis discreto, marmore stratorum, & in ambitu sectis marmoreis crustis olim vestitorum, magnitudinem, & miram ac sumptuosam fabricam viderit. Quin etiam haud multis abhinc annis adeuntium affluentia magis celebratas fuisse, norunt ætatis non ita provectæ senes medici. Hanc ipsis prærogativam debere testantur *νεώτομέτεια, πρυτανεία, & καὶ αἰγύρις* quibus cæteras longe superant.

taine des Capucins.

<sup>i</sup> Du gros Boulet, ou du Boulet carré.

<sup>m</sup> Des deux petits Boulets.

<sup>n</sup> De Bourbon Lancy en Bourgogne dans l'Archevesché d'Autun.

<sup>o</sup> De Bourbon l'Archambaut en Bourbonnois.

#### IV.

**A**NSELMIENSIUM septem fontes, <sup>a</sup> primus Limbus dictus, in a Fontaine  
aulæ limine ad dextram loci partem, pluribus scatebris irriguus, cali- du Limbe.

<sup>a</sup> Eaux du môt d'or en Auvergne.

<sup>b</sup> Eaux de Bourbonne en Champagne.

<sup>c</sup> Eaux de Bagnères dans les confins de la Bigorre & du Commingois.

<sup>d</sup> Eaux de Plombières en Lorraine.

<sup>e</sup> Eaux de Balleruc en Languedoc.

<sup>f</sup> Eaux de Bareges dans la Bigorre.

<sup>g</sup> Eaux d'Encassie dans le Commingois.

<sup>h</sup> Eaux de Vichy en Bourbonnois.

<sup>i</sup> De la Grille de Fer, Puyroux, & communément la Grille.

<sup>k</sup> La Grille de Bois, Puy Quarré, ou Fon-

dus admodum, ita ut nemo ejus contactum diu innoxie ferat. Usui non est, præ sordibus in fundo congestis, quæ ne educantur vetat aquæ exscatrigine erumpentis imperus. Huic fonti innatat copiosa substantia, viridis, unctuosa, digitis contrita facile cedens. <sup>b</sup> Secundus fons versùs lavam, à vico sancti Leodegadij denominatus. Aliùs rectè procedenti quinque alij fontes sese offerunt, tres primum obvii propriâ earent nomenclaturâ, <sup>c</sup> sextus Reginæ dicitur, ultimus vocatur <sup>d</sup> Scurusius. Sex postremi ab eadem foudinâ decurrunt odore, colore, sapore non dissimiles. Fons tamen Reginæ paulò calidior sentitur. Omnium omnino aquæ limpidæ admodum, nec graveolentes, sulphuris tamèn aliquid & bituminis exhalant, penè inspidæ, vel subamaræ. Evaporatione raram quamdam substantiam albicantem præbent; An nitrum, vel sal commune, vel quid amborum admixtum, in dubio est. Tantæ sunt tenuitatis, ut pelles nullo negotio pervadant, & atro coloratæ à coriariis alteri coriorum faciei affusæ, utrique nigredinem inducant; nec ligneo vase ita contineri possunt, quin externa illius superficies madescat. Inter potandum labra ustulant, nullo nihilominus caloris sensu in palato superstitè. Arcimbaldicæ autèm è tribus puteis exiliunt è quibus per plures tubulos in diversa balnea derivantur. Minoris sunt, quàm Anselmieneses, caloris; omni extraneo sapore, & odore carent: imò si frigidæ hauriantur, inspidæ; limpiditate etiàm pollent: si residere permittas cremor quidam unctuosus supernatat, & in fundo vasorum, quibus servantur, crassus limus subsidet intrâ unum, vel alterum diem. Vasculum ligneum haud permeant, etiàm si non æquè serveant, ac Anselmieneses, in ore caloris vestigium percipitur. Resolutione eandem penè substantiam albicantem deponunt, sed multò densiorem & copiosiore. Puteorum superficies limò tenaciori & viscidiori, quàm qui in Limbo Anselmientiensi conspicitur, circumfusa est. Hic quidem limus matutinò tempore exuperat, jugi haustu quàmvis interdum moveantur aquæ, nunquam discutitur.

## V.

**T**HERMARUM præsidio, in cutaneis morbis externisque affectibus, nihil antiquius. An apud majores nostros in potus usum venerint, clarè non liquet: minùs adhuc perspectum an hæc earum bibendarum consuetudo jure vel injuriâ invaluerit; cum de ipsis earumque usu non sit unanimis omnium consensus. Quæ aliis audiunt nitrosæ, ab aliis sulphuræ & bituminosæ habentur. Singulis annis, pro variis temporum mutationibus, alienas sortiuntur qualitates; dilutâ ab imbris terrâ, novæ mixturæ datur occasio. Verùm quantæ ipsis contingunt citrà causam manifestam alterationes; jugi motu huc & illuc exhalationes feruntur, tumultuariòque impetu incertæ ruunt, diversas noctæ dotes pro situ locorum è quibus expirant & quæ percurrunt, & prout magis vel minùs in iis moras necunt. Quàm fortuitus & temerarius ipsarum se se invicem subeuntium occurfus. <sup>a</sup> Sic in Magnesiâ quæ calidæ antea, illicò frigidæ factæ sunt, aliàs non mutato sapore, & in Catiâ repentè fons antea dulcis, in salem est conversus. Sed esto, eadem permaneant partes, eademque sit mixturæ ratio, earum natura

<sup>b</sup> Source de saint Leeger.

<sup>c</sup> La source de la Reine.

<sup>d</sup> La source d'Escurus.

<sup>a</sup> Plin. c. 5. lib. 31. natur. hist.

5

incomprehensibilis quacunq̃ue adhibita arte, etiã Pyrotechniã operã. Dotes enim quibus fortã sunt aquæ medicatæ, vel ab exhalationibus, vel à succis, vel à salibus, vel à tertis, vel à lapidibus, vel à metallis admixtis, petuntur. At ejus beneficio hæc non internoscuntur. Anevapotatione & destillatione exhalationes, & succi præcipuè liquidi & volatiles in conspectum cadunt: concreti verò succi sedimentum quidem relinquunt sicut pleraque salia, terræ lapides, & metalla: at quot eorum species quotque diversæ ipsorum miscelæ? Præter infinitas quæ aciem oculorum nunc fugiunt, quot nondum debitam concretionem sunt affectuæ, quasi vero salia ad quatuor primaria genera revocentur vitriolum, alumen, nitrum & sal commune? Quàm multa ignis vi alienam speciem induunt, vel in auras abeunt in quibus sæpe numero tota aquatum vis posita est. Verùm etiã illarum natura planè innotesceret, non idcirco tamen tutior earum foret administratio, ignotà scilicet humorū corpori impactocum indole. Quis eam capit? Numquid ex eorum cum aquis occurfu fermentationes immodicæ pertimescendæ, quales observantur ex præpostero usu salium volatiliū, remediiorumque chymicorum hætenùs minimè notorum? Reverà quot singulis annis correpti febribus, diarrhæis, abdominis meteorismis, hydropē, nimis credulitatis pœnas luunt? Fœlices igitur qui nacti sunt aptam sibi aquarum metallicarum naturam. Pauci quos æquus amavit Jupiter. Nec tunc dixeris sordes visceribus tenaciter inhærentes instar lixivij eluere: quot enim lixiviorum sunt genera, dissimilesque edunt effectus pro heterogeneis, quibus referta, quisquiliis? si quæ detergent, alia obstruunt & concrefcente limo meatus obstruant, alia secant, alia abradunt, alia adurunt. Quid mirum si sulphuræ aquæ spontè calentes, quæ articulorum fluxionibus medentur, intrinsecus sumptæ humores torreant & febres biliosas accendant; sordium quidem aliquid educunt, sed magis aliundè nocent. Medici igitur ægros morbi peractos deliniant aquarum calidarum diverticulis, hæque sint ultima artis tunc inofficiosa Naufragis tabula. Si qui tamen præjudicatâ opinione, vel rusticationis gratiâ & eundi occasione, ad Thermas confugiant, non macilentique tabeque consumpti, sed obesi, non æstuantibus viscetibus, sed contumacissimis infarctibus impediti, neque iis promiscuè utantur; Non densæ sint, sed tenues, ab omni tōpho vel limo immunes; non pigræ, sed perviæ, quales Anselmienses, ut in hac incertâ administrandi ratione, minùs cunctando, minorem labem inurant.

*Ergo Thermæ Borbonienses Anselmienses minorem noxam inferunt  
epotæ, quàm Arcimbaldicæ, & Vichienses.*

Afferebat FRANCISCUS LE RAT, Sylvanectinus.  
A. R. S. H. MDCLXXVII.

PARISIIS,  
Apud Franciscum Muguet, Regis & Illustrissimi Archiepiscopi  
Parisiensis Typographum.